
OFFERYNNAU STATUDOL
CYMRU

2019 Rhif 435 (Cy. 103)

**YMADAEL Â'R UNDEB
EWROPEAIDD, CYMRU**

BWYD, CYMRU

**Rheoliadau Safonau a Labelu Bwyd
(Diwygiadau Amrywiol) (Cymru)
(Ymadael â'r UE) 2019**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn, ac eithrio rheoliad 6, wedi eu gwneud drwy arfer y pwerau a roddir i Weinidogion Cymru gan baragraff 1(1) o Atodlen 2 a pharagraff 21(b) o Atodlen 7 i Ddeddf yr Undeb Ewropeaidd (Ymadael) 2018 (p. 16), er mwyn ymdrin ag unrhyw fethiant yng nghyfraith yr UE a ddargedwir i weithredu'n effeithiol a diffygion eraill sy'n deillio o ymadawiad y Deyrnas Unedig â'r Undeb Ewropeaidd.

Mae rheoliad 6 wedi ei wneud o dan adran 16 o Ddeddf Diogelwch Bwyd 1990 (p. 16) i ddiwygio Rheoliadau Mêl (Cymru) 2015 i osod y dull dadansoddi y mae'n rhaid i awdurdodau bwyd ei ddefnyddio i wirio cydymffurfedd â gofynion y Rheoliadau hynny.

Mae'r Rheoliadau hyn yn gwneud diwygiadau i is-ddeddfwriaeth sy'n gymwys yng Nghymru ym maes cyfansoddiad a labelu bwyd.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

OFFERYNNAU STATUDOL
CYMRU

2019 Rhif 435 (Cy. 103)

**YMADAEL Â'R UNDEB
EWROPEAIDD, CYMRU**

BWYD, CYMRU

**Rheoliadau Safonau a Labelu Bwyd
(Diwygiadau Amrywiol) (Cymru)
(Ymadael â'r UE) 2019**

*Gofynion sifftio wedi eu bodloni 18 Chwefror
2019*

Gwnaed 4 Mawrth 2019

*Gosodwyd gerbron Cynulliad Cenedlaethol
Cymru 5 Mawrth 2019*

Yn dod i rym yn unol â rheoliad 1(3)

CYNNWYS

1. Enwi, cymhwyso a chychwyn
2. Rheoliadau Bwyd (Marcio Lotiau)
1996
3. Rheoliadau Brasterau Taenadwy
(Safonau Marchnata) a Llaeth a
Chynhyrchion Llaeth (Diogelu
Dynodiadau) (Cymru) 2008
4. Rheoliadau Labelu Pysgod (Cymru)
2013
5. Rheoliadau Gwybodaeth am Fwyd
(Cymru) 2014
6. Rheoliadau Mêl (Cymru) 2015
7. Rheoliadau Gwlad Tarddiad Cigoedd
Penodol (Cymru) 2015

Mae Gweinidogion Cymru yn gwneud y Rheoliadau hyn drwy arfer y pwerau a roddir gan baragraff 1(1) o Atodlen 2 a pharagraff 21(b) o Atodlen 7 i Ddeddf yr

Undeb Ewropeaidd (Ymadael) 2018(1) a chan adran 16(1)(a) ac (e) o Ddeddf Diogelwch Bwyd 1990(2).

Mae gofynion paragraff 4(2) o Atodlen 7 i Ddeddf yr Undeb Ewropeaidd (Ymadael) 2018 (sy'n ymwneud â gweithdrefn graffu briodol Cynulliad Cenedlaethol Cymru ar gyfer y Rheoliadau hyn) wedi eu bodloni.

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(3), ymgynghorwyd yn agored ac yn dryloyw â'r cyhoedd wrth lunio'r Rheoliadau hyn.

Enwi, cymhwyso a chychwyn

1.—(1) Enw'r Rheoliadau hyn yw Rheoliadau Safonau a Labelu Bwyd (Diwygiadau Amrywiol) (Cymru) (Ymadael â'r UE) 2019.

(2) Mae'r Rheoliadau hyn yn gymwys o ran Cymru.

(3) Daw'r Rheoliadau hyn i rym ar y diwrnod ymadael.

Rheoliadau Bwyd (Marcio Lotiau) 1996

2.—(1) Mae Rheoliadau Bwyd (Marcio Lotiau) 1996(4) wedi eu diwygio fel a ganlyn.

(2) Yn rheoliad 2, hepgorer y diffiniad o "first seller established within the European Union".

(3) Yn rheoliad 3(2)(a), yn lle "European Union" rhodder "United Kingdom".

Rheoliadau Brasterau Taenadwy (Safonau Marchnata) a Llaeth a Chynhyrchion Llaeth (Diogelu Dynodiadau) (Cymru) 2008

3.—(1) Mae Rheoliadau Brasterau Taenadwy (Safonau Marchnata) a Llaeth a Chynhyrchion Llaeth

(1) 2018 p. 16.

(2) 1990 p. 16. Diwygiwyd adran 16(1) gan baragraff 8 o Atodlen 5 i Ddeddf Safonau Bwyd 1999 (p. 28) ("Deddf 1999"). Trosglwyddwyd swyddogaethau a oedd gynt yn arferadwy gan "the Ministers", i'r graddau yr oeddent yn arferadwy o ran Cymru, i Gynulliad Cenedlaethol Cymru gan O.S. 1999/672 fel y'i darllenir gydag adran 40(3) o Ddeddf 1999, a'u trosglwyddo wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p. 32).

(3) OJ Rhif L 31, 1.2.2002, t. 1, y mae diwygiadau iddo nad ydynt yn berthnasol i'r Rheoliadau hyn.

(4) O.S. 1996/1502, a ddiwygiwyd gan O.S. 2011/1043 ac O.S. 2014/2303 (Cy. 227).

(Diogelu Dynodiadau) (Cymru) 2008(1) wedi eu diwygio fel a ganlyn.

(2) Yn rheoliad 2(1)—

- (a) hepgorer y diffiniad o “darpariaeth UE”;
- (b) yn y lle priodol, mewnosoder—
“ystyr “darpariaeth benodedig” (“*specified provision*”) yw darpariaeth y cyfeirir ati yn rheoliad 6(2);”.

(3) Yn rheoliad 5, yn lle “UE” rhodder “penodedig”.

(4) Yn rheoliad 6—

- (a) ym mharagraff (1)(b), yn lle “UE” rhodder “benodedig”;
- (b) ym mharagraff (2), yn y geiriau o flaen is-baragraff (a), yn lle “UE” rhodder “penodedig”.

(5) Yn rheoliad 7(2), yn lle “UE” rhodder “penodedig”.

Rheoliadau Labelu Pysgod (Cymru) 2013

4.—(1) Mae Rheoliadau Labelu Pysgod (Cymru) 2013(2) wedi eu diwygio fel a ganlyn.

(2) Yn rheoliad 2—

- (a) hepgorer y diffiniad o “Rheoliadau’r UE”.
- (b) yn y lle priodol, mewnosoder—
“ystyr “y Rheoliadau penodedig” (“*the specified Regulations*”) yw Rheoliad 1224/2009, Rheoliad 404/2011 a Rheoliad 1379/2013;”.
- (c) ym mharagraff (2)(a), yn lle “o Reoliadau’r UE” rhodder “o’r Rheoliadau penodedig” ac yn lle “at Reoliadau’r UE” rhodder “at y Rheoliadau penodedig” ac ym mharagraff (2)(b), yn lle “o Reoliadau’r UE” rhodder “o’r Rheoliadau penodedig” ac yn lle “yn Rheoliadau’r UE” rhodder “yn y Rheoliadau penodedig”.

(3) Yn rheoliad 4—

- (a) ym mharagraff (3), yn lle “a (5)”, yn yr ail le y mae’n digwydd, rhodder “, (5) i (7) a (9)”;
- (b) ym mharagraff (7), yn lle “na’r hyn sy’n cyfateb i 50 ewro y diwrnod mewn sterling” rhodder “na £45 y diwrnod”.

(4) Yn rheoliad 5(3), yn y diffiniad o “operator”, yn lle “EU” rhodder “specified”.

(1) O.S. 2008/1341 (Cy. 141), a ddiwygiwyd gan O.S. 2011/1043; mae offerynnau diwygio eraill ond nid yw’r un ohonynt yn berthnasol i’r Rheoliadau hyn.

(2) O.S. 2013/2139 (Cy. 209), a ddiwygiwyd gan O.S. 2014/3079 (Cy. 304); mae offerynnau diwygio eraill ond nid yw’r un ohonynt yn berthnasol i’r Rheoliadau hyn.

Rheoliadau Gwybodaeth am Fwyd (Cymru) 2014

5. Yn Atodlen 5 i Reoliadau Gwybodaeth am Fwyd (Cymru) 2014(1), yn Rhan 2, hepgorer y cofnodion sy'n dwyn y rhifau 33 a 34.

Rheoliadau Mêl (Cymru) 2015

6. Yn Rheoliadau Mêl (Cymru) 2015(2), ar ôl rheoliad 18 mewnosoder—

“Dulliau dadansoddi

18A. Wrth gyflawni ei rwymedigaethau o dan reoliad 18, rhaid i awdurdod bwyd, pryd bynnag y bo'n bosibl, ddefnyddio dull dadansoddi a gymeradwyir gan y Codex Alimentarius, neu ddull dadansoddi arall sydd wedi ei ddilysu ac a gydnabyddir yn rhyngwladol, i wirio cydymffurfedd â darpariaethau'r Rheoliadau hyn.”

Rheoliadau Gwlad Tarddiad Cigoedd Penodol (Cymru) 2015

7. Yn rheoliad 3(a) o Reoliadau Gwlad Tarddiad Cigoedd Penodol (Cymru) 2015(3), yn lle “aelod-wladwriaeth neu drydedd wlad” rhodder “wlad unigol”.

Vaughan Gething

Y Gweinidog Iechyd a Gwasanaethau Cymdeithasol,
un o Weinidogion Cymru
4 Mawrth 2019

(1) O.S. 2014/2303 (Cy. 227), y mae diwygiadau iddo nad ydynt yn berthnasol i'r Rheoliadau hyn.
(2) O.S. 2015/1507 (Cy. 174).
(3) O.S. 2015/1519 (Cy. 177).